



Istorijsko informativno glasilo Medžlisa IZ-e Tešanj

**MANIFESTACIJOM „SALAVAT TI DONOSIMO, JA RESULALLAH“
OBILJEŽEN MJESEC MEVLUDA 1439.h.g. / 2017.g. (str. 4., 5. i 6.)**



Centralna manifestacija – 01.12.2017.
Tradicionalni mevlud i dodjela nagrada i priznanja
iz Fonda „Hasan ef. Škapur“ zamjeniku Reisu-l-uleme



Hafiska dova hafiza Nihada Buljubašića – 19.11.2017.
u džamiji džemata Kraševu.
Diplomu uručio zamjenik reisu-l-uleme mr. Husein ef. Smajić



Otvaranje izložbe slika „Tragom Gazi Ferhadbega“
akademskog slikara Ahmeta Hundura,
Atrij Medžlisa IZ-e Tešanj; 10.12.2017.
(U okviru Općinske manifestacije Dani grada Tešnja 2017.)



Promocija knjige „Upravljanje vakufima u BiH 1847-2017“
Ahmeda Mehmedovića, i uručenje vakufnama vakifima
Atrij Medžlisa IZ-e Tešanj; 07.12.2017.
(U okviru Općinske manifestacije Dani grada Tešnja 2017.)


INFRASTRUKTURA (str. 8.)



Jak vjetar srušio munaru
Gazi-Ferhad-begove (Čarši) džamije
u Tešnju, 12.12.2017. oko 1,00 sat



Završena zaštita i farbanje munare
Avdipašine džamije u Tešnju
13.10.2017.



Završena I faza izgradnje abdesthane
i harema Hamzibegove džamije.
Abdesthana u funkciji od 29.12.2017.

RIJEČ UREDNIKA**BISMIL-LAHIR-RAHMANIR-RAHIM****Poštovani čitaoci.**

Još jedna kalendarska godina je iza nas (2017.). Godina za koju možemo kazati da je ostavila traga među svima nama, a ujedno da smo i mi ostavili traga unutar njenih dana, hefti i mjeseci.

Rezultati koji su mjerljivi unutar IZ-e pokazuju da su imali uzlaznu liniju i u ovoj godini i da smo kao Medžlis bili na nivou preuzetog emaneta.

Koristim priliku da iskažem zahvalnost članovima IO Medžlisa na čelu sa predsjednikom Zehrudinom Kruškom, kolegama imamima i uposlenicima Medžlisa kao i članovima džematskih odbora, džematskih skupština i skupštine Medžlisa i svim muslimanima što su svojim angažmanom i mudrim odlukama doprinijeli da rad Medžlisa bude prepoznatljiv i vidljiv unutar organa IZ-e u BiH.

Godina iza nas ostaće zapamćena po dva događaja koja želim posebno istaći.

Prvi je osnivanje i stavljanje u funkciju predškolske ustanove „Revda“ u kojoj je trenutno 30 djece sa četiri uposlena radnika.

Drugi je rušenje minareta Čarši-džamije usred olujnog vjetra 12.12. 2017. godine.

Oba ova događaja podsjećaju nas na ozbiljnost i odgovornost muslimana ovog Medžlisa.

Prvi događaj razumijevamo kao radost jer smo ponudili našoj djeci predškolskog uzrasta da mogu biti dio odgojno-obrazovnog sistema unutar IZ-e.

Drugi događaj razumijevamo kao iskušenje na ovom prolaznom svijetu u smislu naših boljih i ljepših postupaka. Takođe nas podsjeća da su muslimani ovog kraja iz odeđenih iskušenja uvijek izlazili jači, jedinstveniji i upućeniji jedni na druge.

Nadamo se da će naš angažman u godini iza nas biti svjedok na Sudnjem danu našeg institucionalnog razumijevanja dini islama, a godina koja je pred nama vrijeme u kome ćemo zajednički istrajavati i dalje na dobru, žečeći pri tome sreću, radost ovog i budućeg sijeta.

Gospodaru naš, molimo Te podari nam dobro na Dunjaluku i Ahiretu.

Aktivnosti IO Medžlisa :

31.10.2017. Održana 25. redovna sjednica IO - U maloj sali Medžlisa IZ-e Tešanj u prisustvu 13. članova, a pod predsjedavnjem predsjednika IO Zehrudin Kruške. Na sjednici je razmazmatran dnevni red od 12 tačaka i usvojeni: zapisnik sa 24. redovne sjednice i informacija o realizaciji zaključaka, Izvještaj o početku mektepske nastave 2017/18 godine, Izvještaj o relizaciji Plana aktivnosti u povodu Kurban-bajrama 1438.h.g. -2017., Izvještaj o provedenim aktivnostima u povodu Nove 1439.h.g., Prijedlog Programa obilježavanja 12. rebiu-l-evvela kroz manifestaciju „Salavat ti donosimo, ja Resulallah“, Inicijativa za obezbjeđenje prostora za molitvu u javnim ustanovama, Odluka o pomoći džematima u izgradnji vjerskih i vakufskih objekata, Odluka o isplati jednogodišnje stipendije učenicima srednjih škola putem MSF EMMAUS; Zaključak o prihvatanju sudske drugostepene presude u predmetu „Usora-Tešanjska“, Odluka o potrebi izgradnje zgrade mekteba u džematu Oraš Planje, prijedlozi zaključaka Komisije za vakuf i vakufsko zemljište, Inicijativa za upućivanje protestnog pisma ustanovama na području Medžlisa koje organizuju promocije na kojima se vrijeđa IZ-a u BiH.



20.12.2017. – održana 26. redovna sjednica IO u maloj sali Medžlisa IZ-e Tešanj. Sjednici je prisustvovalo 10. članova, a predsjedavao je predsjednik IO Zehrudin Kruško. Usvojeni su: Zapisnik sa 25. redovne sjednice IO, Odluka o utvrđivanju osnovice za plaće zaposlenih za 2018.g., Odluka o izdavanju pod zakup vakufskih nekretnina za 2018., Odluka o zatvaranju investicije - adaptacija vakufske kuće i predulaza u džamiju u džematu Novo Selo i prestanku rada građevinskog odbora, Odluka o angažovanju imama u džematu Šije Gornje Polje, Izvještaj o obilježavanju 12. rebiu-l-evvela, Informacija o održanom sastanku muftije zeničkog sa predsjednicima dž.o., Odluka o stavljanju sergije za liječenje, Informacija o rušenju munare i šteti na Čarši-džamiji, Zaključak o obaveznom održavanju sjednica skupština džemata.

POZIV NA SARADNJU

Esselamu alejkum, poštovani čitatelji!

Pred vama je novi broj Biltena Medžlisa IZ-e Tešanj. Ovo je još jedan naš pokušaj da damo skroman doprinos u prezentaciji našeg rada i aktivnosti i da ga približimo vama.

Javite nam se sa vašim primjedbama i sugestijama kako bismo zajednički što bolje prezentovali naš Medžlis

Naša web stranica: www.miztesanj.ba ; email: iztesanj@bih.net.ba

Bilten Medžlisa IZ-e Tešanj

Izdavač: Medžlis IZ-e Tešanj, za izdavača Zehrudin Kruško.

Glavni i odgovorni urednik: mr. Fuad ef. Omerbašić,
tehnički urednik, tekst i foto Rašid Orlović

Redakcija: Dževad ef. Hasanbašić; mr. Enver ef. Kurtić, hafiz mr. Almir ef. Hadžić
i Suljo ef. Djedović prof., saradnici imami MIZ-e Tešanj.

Draga braćo i sestre.

Dolaskom hidžretskega mjeseca rebiu-l-evvela, oživljavamo sjećanje na Vjerovjesnikov život, na brojne trenutke koje je on proživio u svojoj uzoritosti. Činimo to potaknuti kur'anskim riječima: „**Vi ste u Allahovom vjerovjesniku imali najljepši uzor**“. Činimo to iz čiste ljubavi i povjerenja u njegovu riječ i praksu.

Povijest nam kazuje da se Vjerovjesnik rodio u uglednoj, ali siromašnoj porodici Abdulmutaliba, od oca Abdullahe i majke Amine, u arapskom plemenu Kurejš, u Meku. Prema historičarima, bilo je to 12. rebiu-l-evvela 570. godine po Hidžri. Otac mu je umro prije njegova rođenja, a majka par godina nakon toga. Odrastao je pod brigom i zaštitom svoga đeda i amidže. U 25. godini se oženio Hatidžom, kćerkom Huvejlida, a u 40. godini svog života primio je prvu objavu.

Do svoje četrdesete godine, Muhammed, a.s., borio se da preživi, čuvajući kao dječak stada ovaca i koza, a kao mladić prateći trgovачke karavane do velikih tržnica u Siriji i nazad. U zrelim godinama je bio član grupe mladih Kurejšija, koji su uzimali u zaštitu nemoće i siromašne pojedince od okrutnih robovlasnika, koji su ih zlostavljali. Ovo su činjenice koje govore o njegovom životu, onako kako su ih zabilježili historičari.

Kakav je bio njegov unutarnji, duhovni život prije poslanstva malo nam je poznato. Tek u godinama pred primanje objave, on se redovno osamljavao tokom ramazana, udaljavajući se iz Meke, provodeći dane i noći u pećini Hira, nedaleko od Kabe. Čini se da je pećina Hira bila Vjerovjesnikovo čistilište, neka vrsta tekije, gdje je on danima i noćima, povučen u samoću i u duhovnom naprezanju, čistio svoje srce, da bi bio spreman primiti Božiju riječ. On nam je o tome i sam posvjedočio riječima: „*Odgojio me moj Gospodar, pa mi je usavršio moj moral*“.

Samu suštinu svoje vjerovjesničke misije Muhammed, a.s., opisao je riječima: „*Poslan sam da usavršim moral (u zajednici)*“. Braćo i sestre.

Ako se bolje zagledamo u njegov život, primijetit ćemo da se on nikada nije oslanjao na brojnost svojih sljedbenika ili na njihovo imovinsko stanje. Njegov oslonac je bio njihov moral, posvećenost Božijim nalozima i izdržljivosti u teškim prilikama. Vjerovjesnikovo stalno insistiranje na moralnim principima bilo je motivirano nastojanjem da se uspostavi pravedniji i humaniji odnos među ljudima. Ni tada, kao ni danas, ljudi nisu patili od pomankanja sredstava za život, već od pomankanja moralnih vrijednosti u društvenom i pojedinačnom životu. I danas, skoro punih 15 stoljeća od njegova rođenja, svijet pati od iste bolesti, od pomankanja vjere u nužnost života zasnovanog na jedinom ispravnom temelju – na moralnim vrijednostima.

Vjerovjesnik je nastojao oživjeti zasade vjere, koje su posijali vjerovjesnici prije njega: pokornost se duguje samo i isključivo Bogu; drugom se ne želi ono što ne bismo željeli sebi; ljudi su potekli od jednog čovjeka i od jedne žene i jedna su velika porodica, braća i sestre.

Iblis, l.a., unio je strah među nas. Umjesto straha od Boga, počeli smo se bojati jedni drugih. Bog nas je upozorio da će doći vrijeme kada će se pojaviti ljudi koji će svaku granicu zla prelaziti. Vjerovjesnik nas je učio da ne smijemo biti ravnodušni spram zla koje uzima maha i koje se nastoji naturiti kao normalna pojava i ljudsko pravo. U svom poznatom hadisu, on je od nas izravno zatražio: kada vidimo neko zlo, spriječimo ga silom, osudimo ga riječima ili ga makar prezrimo u duši i u srcu. Zauzeti moralan stav naspram zla obaveza je svakog čovjeka, svakog muslimana.

Pored ove obaveze koju nam je stavio u dužnost, Vjerovjesnik, a.s., nas je poučio da istrajnost u vjerovanju i činjenju dobrih djela predstavlja ispunjenje moralne vrline i njen vrhunac. Jednom je upitan za savjet o tome što bi bilo dovoljno činiti za života, a on je odgovorio: „*Reci vjerujem u Allaha i na tome ustraj*“.

U ovoj jednostavnoj izjavi (el-Ahkaf, 13), on je bio u stilu kur'anske maksime: **„Oni koji govore: „Naš Gospodar je Allah“ i ustraju na pravom putu, neka se ničega ne boje i ni za čim neka ne tuguju“**. I iz ovoga primjera vidimo koliko su velike riječi njegove supruge hazreti Aiše, r.a., kada je, odgovarajući na pitanje kakav je bio njegov moral, odgovorila: „*Njegov moral bio je Kur'an*“.

U svakom trenutku svoje vjerovjesničke misije je bio svjestan ljudskih slabosti, moralnih padova i sklonosti ka grijesnju. Svojim ashabima je uvijek savjetovao da pomažu ljudima u izvršavanju njihovih obaveza. Tako je i sam postupao. Često je govorio: „*Budite milostivi prema onima na Zemlji, pa će vam se smilovati Onaj na nebesima*“.

Za namaz na putu je kazao da ga je vadžib skratiti, kao i u stanju neposredne opasnosti. Sam je prekidal post na putovanju, ružio je one koji su pretjerivali u namazu, postu i neženstvu. Tražio je umjerenost, u svemu. Nije odobravao asketizam. Njegov životni moto je bio: „*Olakšavajte, ne otežavajte; okupljajte, ne razgonite (ljudi od sebe)!*“

Učio nas je da se ljudsko srce može promijeniti samo pažnjom i dobrotom, kojih nam u današnje vrijeme toliko nedostaje. Vratiti se moralnom liku Vjerovjesnika, njegovim savjetima i njegovoj praksi, milosrđu i ljubavi koju je pokazivao prema svima, jedini je lijek za naše umorne duše.

Mevlud, kojeg su naši preci ispjevali u čast Vjerovjesnika, i naša lijepa bosanska tradicija kojom smo usmenom predajom sačuvali najvažnije slike iz života Muhammeda, a.s., mogu nam služiti na ponos. Stihovima o njegovom rođenju, o miradžu, o hidžri u Medinu, o borbi na Bedru, o povratku u Meku, o preseljenju na Ahiret i sl. čuvali smo uspomene na njega i njegov plemeniti život. Iz njegovog života smo naučili koje su to trajne vrijednosti za koje se trebamo boriti i žrtvovati: sloboda, jednakost, dostojanstvo, sloga i bratstvo. To su vrijednosti kojima su i naši preci bili nadahnuti. To su i naše vrijednosti koje trebamo živjeti, braniti i drugima garantirati.

U našim kućama uobičajili smo prisjećati se Vjerovjesnika himnom: „*Dobro nam doš'o, najveći sine*“, u raznim prilikama. Tradicija mevluda u Bosni datira još od njenog prvog sandžak-bega Isa bega Ishakovića, koji je proučen u njegovoj tekiji na Bentbaši. Od tada pa sve do danas, mevlud je postao dio naše bosanske tradicije. Mevlud je životopis Muhameda, a.s., u stilu, a prvi puta je proučen u Medini. Do nas je stigao putem derviša u osmanlijskom periodu. Bosanski muslimani su i sami pisali mevlude ili ih prepjevali, poput Gaševića ili Rešada Kadića, Allah im se smilovao.

I ovoga puta apelujem na vas da čuvate ovaj lijepi način iskazivanja ljubavi prema Vjerovjesniku, učeći mevlud i usvajajući iz njegovog života one moralne zasade koje će nas učiniti boljim i plemenitijim ljudima.

Svim muslimanima u domovini i u iseljeništvu neka je sretno Vjerovjesnikovo rođenje. Nosimo ga u srcu i postupajmo po njegovim uputama! Mevlud-i šerif mubarek olsun! (**Hutba Reisu-l-uleme u Begovoј džamiji na dan mevuda 01.12.2017.**)

OBLJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Predstavljanje manifestacije, 17.11.2017. izvršio glavni imam na konferenciji za medije održanoj u Atriju Medžlisa.



Hafiska dova hafiza Nihad Buljubašića 19. 11. 2017. održana u džamiji džemata Kraševo poslije podne-namaza.

Dovu je proučio je njegov muhafiz hafiz Nedžad Vehabović, a diplomu hafiza Kur'ana Časnog mu je uručio mr. Husein ef. Smajić, zamjenik Reisu-l-uleme Islamske zajednice u Bosni i Hercegovini, čime je Nihad postao prvi hafiz iz Kraševa. Ovoj svečanosti prisustvovali su: muftija zenički doc. dr. Ejub ef. Dautović, glavni imam Medžlisa IZ-e Tešanj mr. Fuad ef. Omerbašić, hafizi: Mirnes Spahić, Abdulah Kapo, Alen Kehić, Belmin Džananović, Mustafa Mujkić, Zaim Šiljić, Amir Hodžić, Abdulah Mrkonjić, Adem Sinanović, Abdulah Halilović, Nermin Ibrahimović, Ahmed Bukvić, Almir Hadžić i Hamdo Solo, imami Medžlisa IZ-e Tešanj, predsjednik IO Medžlisa IZ-e Tešanj Zehrudin Kruško sa saradnicima, Salih ef. Haušić, Izudin ef. Kruško, direktor Fonda „Bošnjaci“ Sahin Kerla i direktor Sekcije za hifz u Sarajevu Džemal (Jamal) Mosleh, Općinski načelnik mr. Suad Huskić, te brojne džematlije, rodbina i prijatelji hafiza Nihada.



Uručenje hafiske diplome hafizu



Muhafiz uči dovu

Hafiz Nihad Buljubašić je rođen 08.11.1996. godine u Zenici. Sin je Samirov i Amirin. Završio je OŠ „Kulin Ban“ Tešanjka, srednju Mješovitu školu u Tešnju, a danas je redovan student Edukacijsko-rehabilitacijskog fakulteta u Tuzli, gdje i živi sa suprugom Aminom, ocem (100% invalid) i mlađim bratom. Hifz je polažio pred komisijom Rijaseta IZ-e u BiH u periodu od 25.09. do 09.10.2017. godine.

Banja Luka – Ferhadija džamija, 30.11.2017.

tradicionalni mevlud koji su proučili imami Medžlisa IZ-e Tešanj, a prigodna predavanja održalo glavni imam mr. Fuad ef. Omerbašić, muftija banjalučki dr. Osman Kozlić i direktor Uprave za vjerske poslove mr. Nusret Abdibegović. **Čarši-džamija Tešanj – 01.12.2017. Centralna manifestacija Medžlisa i Muftiluka zeničkog održana – 12. rebiu-l-evvel 1439.h.g. poslije džuma-namaza, Meylud i dodjela priznanja i nagrade iz Fonda „Hasan ef. Škapur“. Mevlud su proučili imami, a prisutnima se obratili džematski imam mr. Enver ef. Kurtić, glavni imam mr. Fuad ef. Omerbašić, muftija zenički doc. dr. Ejub ef. Dautović i zamjenik reisu-l-uleme IZ-e u BiH mr. Husein ef. Smajić, ovogodišnji dobitnik nagrade i priznanja.**



Mevlud



Uručenje priznanja



Podjela halve, letaka hadisa i kahve na Čaršiji

Miljanovci Novi – 02.12.2017. – Tradicionalni 12.

Mevlud učenika OŠ „Džemal Bijedić“ Miljanovci održan u džamiji ovog džemata poslije jaciće-namaza uz obraćanje džematskog imama Bersad ef. Kozlića prof., Izet ef. Čamđića, glavnog imama Medžlisa IZ-e Zavidovići i glavnog imam Medžlisa IZ-e Tešanj koji je i uručio vakufnamu vakifu Fadilu Klepiću.



OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Bukva, 02.12.2017. tradicionalni Mevlud održan u Kutahya džamiji poslije akšam-namaza. Mevlud proučili imami gradskih džemata, uz prigodno obraćenje džematskog imama Ibrahim ef. Okanovića i glavnog imama.

Tešanjka, 03.12.2017. tradicionalni 47. Mevlud održan u džamiji poslije podne-namaza. Mevlud su proučili imami Medžlisa IZ-e Tešanj, a prisutnima se obratili džematski imam Mustafa ef. Balić, prof., glavni imam i dr. Šefik Kurdić.

Oraš Planje, 03.12.2017. tradicionalni Mevlud održan u staroj džamiji. Mevlud proučili polaznici mektepske nastave, a prisutnima se prigodno obratili džematski imam Muris ef. Mahalbašić i glavni imam.

Medžlis, 07.12.2017. promocija knjige „Upravljanje vakufima u BiH 1847 – 2017.“ Ahmeda Mehmedovića održana u atriju Medžlisa IZ-e Tešanj u okviru manifestacije „Dani grada Tešnja.“ Moderator na promociji je bio glavni imam, a promotori dr. Enes Pelidić; mr. Osman Lavić, direktor Gazi Husrev-begove biblioteke; dr. Senaid Zaimović, direktor Vakufske direkcije i autor.

Dr. Zaimović je uručio vakufname Mustafi Bešlagiću, Fatimi Smailbegović i Hazimu Ajanoviću te promoviranu knjigu vakifu hadži Muharemu Sejdiju.



Mrkotić-Putešić, 08.12.2017., tradicionalni Mevlud održan poslije džuma-namaza na kome je hutbu održao glavni imam. Mevlud proučili polaznici mektepske nastave, glavni imam, predsjednik IO Medžlisa IZ-e Tešanj i džematlije, a prigodno predavanje održao džematski imam Hajrudin ef. Delić.



Dobropolje-Mekiš, Tribine: održane u džamiji poslije jacije-namaza 09. 12. 2017. „Osobenosti poslaničkog odgoja“ koju je prezentirao hafiz dr. Halil ef. Mehtić, dekan IPF u Zenici, i 30.12.2017 „Kur'an – lijek i uputa“ koju je prezetirao Enes Julardžija prof., uz obraćanje džematskog imama.



Šije, 08.10.2017. Uručeni ključevi novosagradene kuće porodici Omić poslije ikindije-namaza. Pored džematlija, komšije i rodbine prisustvovali su i predstavnici IZ u BIH odnosno muftija zenički doc. dr. Ejub ef. Dautović, glavni imam Medžlisa IZ Tešanj Fuad ef. Omerbašić, sva tri tri imama iz tri šijačka džemata i predsjednik IO Medžlisa Zehrudin Kruško, koji je u ime Medžlisa porodici uručio skromnu novčanu hediju. Nakon uručenja ključeva delegacija je posjetili poznatog šijačkog proizvođača voća Ediba Balića.



Jevadžije, 08.12.2017. Mevlud poslije jacije-namaza proučili imami Medžlisa IZ-e Tešanj, a prisutnima se obratili glavni imam i mufije zenički doc. dr. Ejub ef. Dautović koji je uručio vakufnamu Hasaničević dr. Esadu za uvakufljena novčana sredstva pred duše roditelja na ime izgradnje kapije na ulazu u vakufsko mezarje u Jevadžijama, a predsjednik džematskog odbora Zahvalnicu za doprinos u radi i afirmaciji džemata Jevadžije.



OŠ „Huso Hodžić“, 09. 12. 2017. Tradicionalni turnir u malom fudbalu učenika održan u sportskoj dvorani ove škole u organizaciji aktiva vjeroučitelja. Turnir je otvorio glavni imam koji se prethodno obratio prisutnima.



Medakovo, 10.12.2017., Mevlud u džamiji poslije podne-namaza proučili imami Medžlisa IZ-e Tešanj, a prisutnima se obratili imam Adem ef. Garić, glavni imam i hafiz Amar ef. Bašić, a predsjednik IO Medžlisa IZ-e Tešanj Zehrudin Kruško uručio vakufname vakifima ovog džemata.



OBILJEŽEN 12. REBIU-L-EVVEL MANIFESTACIJOM „SLAVAT TI DONOSIMO, JA RESULALLAH“

Medžlis, 10.12.2017. Otvorena izložba slika „Tragom Gazi Ferhad-bega“ akademskog slikara Ahmeta Hundura u atriju Medžlisa u okviru manifestacije „Dani grada Tešnja“ uz obraćanje glavnog imama, Općinskog načelnika i zamjenika reisu-l-uleme mr. Husein ef. Smajića koji je i otvorio izložbu.



Čarši-džamija, 10.12.2017. Večer Kur'ana održana poslije jaciće-namaza. Kur'an učili tešanjski hafizi: mr. Nermin ef. Ibrahimović, mr. Almir ef. Hadžić, Ahmed ef. Bukvić prof. i Almir ef. Salkanović prof. Program su dopunili učenici Gimnazije „Musa Ćazim Ćatić“ programom o Gazi Ferhad-begu uz obraćanje džematskog imama mr. Enver ef. Kurtić i glavnog imama.

Dibekhana-džamija, 14. 12.2017., Večer Kur'ana održana poslije jaciće- namaza. Kur'an su učili tešanjski hafizi: mr. Nermin ef. Ibrahimović (džematski imam), Hamdo Solo (učenik III razreda „Behram-begove“ medrese), Anes Mulić (student 1. godina FIN-a) mr. Almir ef. Hadžić, Ahmed ef. Bukvić prof. i Almir ef. Salkanović prof. Program je dopunio ilahijom Ahmed Kruško polaznik mektepske nastave iz Novih Miljanovaca. Prigodno su se obratili džematski i glavni imam.



Kalošević, 16. 12.2017. Mevlud, poslije podne namaza proučili proučili imam okolnih džemata, a prigodno se obratili džematski imam Mersed ef. Hasanović i glavni imam.

Medžlis, 29.12.2017. Otvorena izložba „Školstvo tešanjskog kraja između dva svjetska rata“ u atriju Medžlisa u okviru manifestacije „Dani grada Tešnja“ uz obraćanje autora Rašida Orlovića i Mensure Mujkanović, direktora Muzeja Ernada Prnjavorca i glavnog imama.



Tešanj, 17.12.2017. Održano 2. ekipno takmičenje polaznika mektepske nastave u streljaštvu u saradnji sa streljačkim klubom Zigana Tešanj. Pobjednici: 1. mjesto – mekteb Karadaglje-Koprivci-Oruče, 2. mjesto – Šareni mekteb, 3. mjesto – mekteb Doboropolje-Mekiš, 4. mjesto – mekteb Šije Gornje Polje i 5. mjesto – mekteb Vukovo.



Jelah, 15.12.2017. Tribina, „Poslanik a.s. najbolji učitelj“ Održana u džamiji Jelah poslije jaciće-namaza, koju je poslije dobrodošlice džematskog imama hafiza Almir ef. Hadžića prezentirao (uz pomoć video projektoru) dr. Nezir Halilović, rukovodilac odjela na vjeroučenju pri Upravi za obrazovanje i nauku Rijaseta IZ-e u BIH. Program su dopunili učenjem Kur'ana i ilahija polaznici mektepske nasavte. Dovu je na kraju proučio glavni imam.



Medžlis, 16. 12.2017. Tribina za žene, održana u prostorijama Medžlisa na kojoj su temu: „Poslanik a.s. naš uzor“ obradile Fatima Ćeman i hafiza Hidajeta Mahalbašić.

Medžlis, 30.12.2017. Uručene stipendije maturantima medresa: Krdžalić Ahmed, medresa u Tuzli, Hadžić Ranija - Visoko; Ibrahimkadić Sedad -Tuzla; Salkanović Sabaheta-Visoko; Salkanović Merjema-Visoko; Omerbašić Tarik-Tuzla; Dizdarević Hajrija-Tuzla; Omerbašić Ibrahim-Mostar; Garić Lejla-Sarajevo; Hundur Madžida-Sarajevo; Kruško Salih-Sarajevo; Mujčić Almedina-Tuzla; Piro Emina-Tuzla; Sivić Sara-Tuzla; Rizvanović Dino-Tuzla; Korajlić Rasim-Tuzla i Ibrahimkadić Ajla-Tuzla.



Miljanovci, 24.12.2017. Glavni imam uručio 22 svjedodžbe o završenoj hatmi odraslim polaznicima halke učenja Kur'ana u džamiji posle jaciće-namaza.

Opća Biblioteka Tešanj - Svečana promocija monografije Gazi Husrev-begove biblioteke, 26.12.2017. održana u zajedničkoj organizaciji biblioteke i Medžlisa IZ-e. Promotori: mr. Fuad ef. Omerbašić, Osman Lavić direktor GHB, Aladin Husić i Lejla Gazić. Moderator je bila direktorica biblioteke Almina Alagić.

Mračaj-Potočani, 31.12.2017. Tradicionalno veče Kur'ana i mevluda održano u džamiji poslije jaciće-namaza uz učešće tešanjskih hafiza, imama, hora džemata Mračaj-Potočani, džematskog imama Muris ef. Braćkana, glavnih imama Bosanski Brod i Tešanj, te dr. Nezira Halilovića rukovodioca odjela na vjeroučenju pri Upravi za obrazovanje i nauku Rijaseta IZ-e u BIH.

Dogadjaji, iz naših džemata....

Kutahya džamija, 06.10.2017. Proučena hatma dova pred duše vakifa iz Turske pred džuma-namaz kojoj su prisustvovali glavni imam i predsjednik IO, te ataše za vjerska pitanja u Ambasadi R. Turske u Sarajevu Hasan Atl koji se obratio prisutnima i uručio po Mushaf.



06/10/2017

Medžlis, 01.10.2017. Održano takmičenje polaznika mektepske nastave u šahu u saradni sa Šahovskim klubom Tešanj po kategorijama: dječaci i djevojčice. Pobjednici su:
1. mjesto Rahić Namir iz džemata Mrkotić-Putešić,
2. mjesto Kašibović Sejfo iz džemata Dolac-Kotlanice i
3. mjesto Spahić Ahmed iz džemata Jablanica.
1. mjesto Omerbašić Emira iz džemata Miljanovci,
2. mjesto Muslija Kanita iz džemata Šije i
3. mjesto Bašić Emina iz džemata Jablanica.

Jelah, 08.10.2017. Takmičenje mujezina polaznika mektepske nastave održano poslije podne-namaza i to treću godinu za redom, a pobjednici ovogodišnjeg takmičenja su:
mladi uzrast: 1. mjesto Mirzet Delić, Kalošević,
2. mjesto Vedad Smajić, Novo Selo i
3. mjesto Hasan Halilović. Karadaglje-Koprivci-Oruče;
stariji uzrast: 1. mjesto Ahmed Kruško, Miljanovci Novi,
2. mjesto Abdulah Salkanović, Medakovo i
3. mjesto Alem Mešić, Tešanjka.



Oraš Planje, 18.10.2017. Tradicionalni Mevlud i dova za šehide Mevlud su proučili imami Medžlisa IZ-e Tešanj a prisutnima se obratio glavni imam mr. Fuad ef. Omerbašić.



18/10/2017

Tribine za žene, 07.10.2017. Tema „Treća dob“ predavači mr. sci. Emina Turalić i koordinatorica Fatima Ćeman.

04.11.2017. Tema „Uloga djeda i nane u odgoju djece“ u Medžlisu IZ-e Tešanj. Predavači Enesa Bedaković-Piro prof. i koordinatorica Fatima Ćeman.

Oraš Planje, 01.11.2017. Proučena dova i započeli radovi na izgradnji mektebske zgarede sa pratećim sadržajima u harem Plave džamije.

Jablanica, 20.11.2017. Zasađena vakufska parcela 6 dunuma sa 180 sadnica kalemljenog oraha.

Medžlis, 12.12.2017. Muftija zenički doc. dr. Ejub ef. Dautović održao sastanak sa predsjednicima džematskih odbora sa područja Medžlisa IZ-e Tešanj.

Posjeta Policijskoj stanici Tešanj, 13. 10.2017. godine glavni imam i predsjednik IO Medžlisa IZ-e Tešanj su posjetili policijsku stanicu Tešanj, gdje im je domaćin bio komandir Jusuf Katica sa saradnicima. Domaćini i gosti su se međusobno upoznati o trenutnim i planiranim aktivnostima u PS i Medžlisu.



Posjeta firmi Inox Ajanović, 24.10.2017. Delegacija Medžlisa IZ-e Tešanj posjetila firmu „Inox Ajanović“ i vlasniku Dženanu Ajanoviću uručila vakufname za uvakufljena sredstva za Dibekhana džamiju.



Tešanski imami posjetili Muftijstvo zeničko, 31.10.2017. na poziv muftije zeničkog doc. dr. Ejub ef. Dautovića.



Posjeta Općoj bolnici Tešanj, 10.11.2017., Glavni imam mr. Fud ef. Omerbašić i predsjednik IO Zehrudin Kruško posjetili direktora Opće bolnice Tešanj doc.dr.med.sci. Hasana Škilju.



Posjete i prijemi u Medžlisu IZ-e Tešanj:

11.10.2017. - delegacija MFS-EMMAUS i uručila zahvalnicu za pomoć u vidu 9380 kg. obrađenog kurbanskog mesa,

11.10.2017.- UG „EKO MLADI“ i potpisani sporazum o saradnji.

18. 10. 2017. - glavni imam Medžlisa IZ-e Busovača hafiz mr.

Adnan ef. Srebrenica,

01.11.2017. - glavni imam Sead ef. Mrahorić i članovi IO

Medžlisa IZ-e Banovići,

08. 11. 2017. - glavni imama Medžlisa IZ-e Gornji Vakuf – Enes

ef. Omerović,

08. 11. 2017. - delegacije Medžlisa IZ-e Vitez, (glavni imam Omer ef. Sikira, predsjednica Aktiva žena Sadžida Sikira prof. i V.D. direktora obdaništa Lejla Čerim-Haskić prof.).

INFRASTRUKTURA

Čarši-džamija, jak vjetar u noći od ponedjeljka na utorak (11. na 12. decembra – oko 1,00 sat) srušio munaru Gazi Ferhad-begove (Čarši) džamije, koja je u padu oštetila džamiju i ćefenak Izudina Berberovića. Nakon pada munare ovo mjesto su posjetili: Općinski načelnik i Muftija zenički 12.12. 2017., premijer vlade ZE-DO Kantona Miralem Galijašević i delegacija Rijaseta IZ-e u BiH predvođena direktorom Vakufske direkcije hafizom dr. Senaidom Zaimovićem. Radovi na sanaciji i zaštiti džamije od daljnog propadanja izvedeni tako da nije bilo naknadne štete, a džamija već u petak 15.12. 2017. stavljana u funkciju.



Posjeta muftije zeničkog



Posjeta premijera



Hutba dr. Zaimovića

Utopljavajući vakufski objekti

Miljanovci Novi, 14. 12. 2017. Završeno utopljavajuće vakufske kuće (pvc stolarija i nova stiropol fasada).



Mrkotić-Putešić, 27.12.2017. Proširena i utopljena vakufska kuća sa mektepskom učionicom (pvc stolarija i stropofasada).

**Novogradnja**

Mesdžid Ravne, 15.12. 2017. Ozidan, pokriven, ugrađena pvc stolarija



Mesdžid Koprivci, 29.12.2017. Ozidan srat i mahfil, izbetonirana gornja ploča, završeni potporni zidovi. (Objekat pripreljen za pokrivanje).



Dobropolje-Mekiš, Vakufska kuća, 21.12.2017. Ozidana i pokrivena.

**STRUČNI SEMINARI ZA IMAME**

11. Stručni seminar za imame, održan u utorak, 17. 10. 2017. godine u velikoj sali Medžlisa IZ-e Tešanj na kome je temu „Roditeljima iskazujem poštovanje i zahvalnost“ prezentirao Esad ef. Smajić prof., imam džemata Novo Selo.



12. stručni seminar za imame, a 7. u organizaciji Muftijstva zeničkog, 16. 11. 2017. Medžlisu IZ-e Tešanj na kome je dr. Mustafa Prlića predstavio temu "Faktori razgradnje vjere - primjer Ismailita".



13. Stručni seminar za imame, 21. 11. 2017. održan u velikoj sali Medžlisa IZ-e Tešanj na kome je temu „Godišnji Operativni plan za mektepsku nastavu“ predstvrio Fuad ef. Ćeman prof., imam džemata Jevadžije.



14. Stručni seminar za imame, 26. 12. 2017. održan u velikoj sali Medžlisa IZ-e Tešanj na kome je temu „Korespondencija“ imamima predstavio Kasim Halilović, pravnik Medžlisa IZ-e Tešanj.